

rentia erà mandar uno secretario pratico, o ver Creticho. Mi rispose sier Marco da Molin, mio collega. Et li savij messeno tutti a l'incontro, meter in la còmision, vadi esso orator, *saltem* mandì ditto Creticho, qual andarà con poca spexa. Andò le parte: 5 non sincere, 2 di no, 40 la mia, 127 di savij.

Item, fu posto per tutti li savij, atento non è probi contestabeli, de alcuni, quali fo nominà, *videlicet* Badino, Marzochè e altri, fono col signor Lodovico, aricordati per il castelan di Cremona, per collegio siano tolti 4. Parlò in favor di la parte sier Piero Capello, savio a terra ferma. Et li volse risponder sier Francesco Bolani, et era gran mormoration, el conscio non la sentiva. Fu posta a uno altro conscio. Et fu fato il scurtinio, con i boletini dil provedador a Corfù.

166

Electo provedador a Corfù.

Sier Nicolò Corner, fo governador a Monopoli, <i>quondam</i> sier Antonio . . .	61. 99
Sier Antonio Moro, fo baylo e capetanio a Corfù, <i>quondam</i> sier Cabriel . . .	9.154
Sier Zuam Francesco Venier, fo vice capetanio in colfo, <i>quondam</i> sier Moisè . . .	39.120
Sier Daniel da Canal, fo capetanio a Rasso, <i>quondam</i> sier Piero . . .	24.137
Sier Hironimo Contarini, fo capetanio di le galie di Barbaria, <i>quondam</i> sier Francesco . . .	51.106
Sier Zustignam Morexini, fo provedador in campo, <i>quondam</i> sier Marco . . .	31.127
Sier Beneto Sanudo, fo consolo a Damasco, <i>quondam</i> sier Matio . . .	65. 96
Sier Hironimo Querini, fo di pregadi, <i>quondam</i> sier Andrea, da Santo Anzolo . . .	50.115
Sier Nicolò da cha' da Pexaro, è di pregadi, <i>quondam</i> sier Bernardo . . .	43.119
Sier Anzolo Trivixan, fo cao dil conscio di X, <i>quondam</i> sier Pollo . . .	92. 65
Sier Domenego Contarini, fo capetanio a Vienza, <i>quondam</i> sier Mafio . . .	93. 63
Sier Zuam Matio Contarini, el grando, <i>quondam</i> sier Marco . . .	16.140
† Sier Alvixe Venier, fo podestà et capetanio a Ravena, da Santa Lucia . . .	114. 45
Sier Piero Soranzo, fo patròn a l'arsenal, <i>quondam</i> sier Vctor, procurator . . .	41.120
Non. Sier Domenego Malipiero, fo provedador in armada, <i>quondam</i> sier Francesco . . .	2.00

Non. Sier Marco Antonio Contarini, è governador dil castello di Corfù, de sier Priamo
Non. Sier Piero Marzello, fo di pregadi, <i>quondam</i> sier Filippo
Non. Sier Alvixe Loredam, fo governador a Monopoli, <i>quondam</i> sier Polo
Non. Sier Lunardo Marzello, è provedador al sal, <i>quondam</i> sier Bernardo
Non. Sier Antonio Loredam, è provedador al sal, <i>quondam</i> sier Francesco

In questa matina, in do quarantie civil e criminal, per el pieder di sier Bernardim Loredam e sier Nicolò Dolfim, fono synichi intra el colfo, da poi alcuni conselij, fo preso di procieder contra sier Fantim Moro, fo conte in Arhe, *quondam* sier Francesco; *videlicet* 36 di procieder, 24 di no et 4 non sincere. Et fu preso che 'l perdi l' officio, che era electo provedador ad Axola, et sia privato per uno anno de tutti officij e beneficij, *ut in parte*. Et cussi fo fato in locho suo provedador ad Axola, e fo per pocho disfato.

A dì 8 setembrio, fo el dì di Nostra Dona. In collegio vene li provedadori a le biave, dicendo pian al principe, el bonus stava mal, ne era stà trato assa' farine di fontegi, *tamen* non era per manchar. *Unde* fo mandà assa' barche, piene di formenti, a le rive di fontegi; *adeo* il zorno da poi callò la farina soldi 4.

Vene sier Alvixe Zustignan, oficial a le raxon nuove, e fè lezer una parte, di scansar certe spexe di officij, et *precipue* di dar metà a li oratori portano con si forzieri 20 et più. Et fè lezer la sua parte, ditto metti quello li par.

Di Franza, di l' orator nostro, date a dì 26, a Meledun. Come recevè letere di la Signoria nostra, con li sumarij e letere di retori di Modon, qual mostrò al re, cardinal Roam e conscio. Li dispiaque assai; et disseno de un gran mal reussirà un gran ben. Poi l' orator parlò al re, zercha le trieve fate col re di romani, si la Signoria nostra era compresa. Rispose: Non fassemo altramente; vossemò più tosto ne fosse segà la golla, cha lassar quella Signoria. La includeremo, et per questo anno non avemo paura dil re di romani. *Item*, li disse: Havemo letere di nostri oratori vien di Hongaria; hanno fato liga con quel re; li volemo aldir prima, poi ve diremo *etc.* *Item*, di Pisa O disse, ma di fiorentini si duol; à pagato per l'horo a' sguizari scudi 45 milia, si vol pagar sopra di l'horo fiorentini, e si vol justificar per tutto, e manderà in nota la promessa li